

明·薛鎧撰  
崇禎沈猶龍閩中刊本

保嬰全書  
(一)

新文豐出版公司印行

景自中央圖書館珍藏善本書籍

明薛鎬撰 崇禎沈猶龍閩中刊本

保 嬰 全 書  
(一)

新文豐出版公司 印行

## 中國善本醫書十六種重刊總序

本公司已發行之中醫書籍數十種，如醫統正脈全書、六科準繩、醫心方、中國醫藥匯海、扁鵲心書、敦煌石室古本草、藥徵全書、重樓玉鑰、中國歷代醫學之發明、醫方一盤珠、銀海指南、中醫骨科學、證治心傳……等，均爲少見之珍本，而爲讀者所爭購者，想海內外悉知之矣。

茲承國立中央圖書館惠助，影印其善本書組所珍藏之中醫名著十四種。

一、古今醫統大全一百卷。

二、保嬰全書二十卷。

三、醫門法律六卷。

四、太平聖惠方一百卷。

五、醫說十卷。

六、楊氏仁齋直指方論十三卷。

七、丹溪先生治法心要八卷。

八、玉機微義五十卷。

九、醫學正傳八卷。

一〇、女科撮要二卷。

一一、外科理例七卷·附方一卷。

一二、吳梅坡醫經會元保命奇方十卷。

一三、新刊醫林狀濟世全書八卷。

一四、醫宗粹言十四卷。

一五、痘疹全嬰金鏡錄。

一六、聖濟總錄

期能將中國古代之醫學，播揚海內外，供今日之醫學學者比較研究，發闡而光大之；兼可濟世活人，庶不負重刊斯書之值。醫學之重要，不言可喻；蓋造化爲萬物之司命，醫學即爲人類之司命；而時下中醫書籍、或無敘理之明，或無應受之法；務奇者遠慕而近遺，處方者舉一而廢百；此十六種中醫書之刻，可謂會各家之異同，傳歧黃之正脈；若孔子集古聖之大成，萬川匯流而歸海。

矣。

病者所賴惟醫生，醫生所賴惟醫書；今此善本中醫寶典之印行，上自黃帝岐伯、扁鵲華陀、叔和仲景之妙方，下逮里巷巫師之一得；凡神技玄篇、奧言異帙，不問鴻章隱論，一概蒐集無遺。故爾精研斯書，雖綿疴沉痾，必將方出病除；縱氣塞血枯，亦有通和之效。斯書之重刻，豈無微旨哉！

此次所印爲善本古代中醫書之初編，爾後當繼續搜求古醫書，期出再編、三編……以致窮其籍而後已；實本公司之願望也，思海內外不乏賢哲，杏林尤多耆宿，希不吝而指教焉！

茲值復興中華文化之際，斯書之重刊流播，亦復興我中華文化之一部門工作也。是爲序。

新文豐出版公司謹啓

六十七年五月

保嬰全書序



保嬰全書者中丞趙公所刻  
薛醫士方書也薛名鎧為句  
吳人世以小兒醫名家其方  
有內外二卷云萬曆壬午公  
觀察粵東業已刻是書之內

方題曰保嬰撮要而以屬趙  
太史澂陽序之矣其撫閩之  
明年癸未而外方告成走手  
書寓余于虔南徵之序若曰  
是又為保嬰續集云余受而  
讀之見所為先後二卷雖內

外殊方而大要率歸之保嬰  
則以請于公曰名之為保嬰  
全書可乎書報曰可遂序之  
且方書之說何昉乎黃岐以  
前尚矣自內經作而世之言  
醫者宗焉顧其時有專業而

無分門乃司馬氏之傳扁鵲也其言曰秦越人受方長桑君飲上池水得秘術過咸陽知秦人貴小兒也為小兒醫然則醫之有小兒豈自古而重之乎柰之何方書輩出而

醫道且日晦膠固常之說者  
每汗漫而寡要泥拘曲之學  
者恒偏闕而不全治外者多  
遺內急本者或忘標逞胸臆  
投烏喙重違天地之生道而  
速之殤噫嘻以父母天下為

王道者寧無置心於此耶此  
保嬰一書中丞公所為汲汲  
也書凡若干卷其為方凡若  
干撮其要則汗漫者知所擇  
會其全則偏闕者罔所遺合  
內外為全書而惟要之是守

俾世之人皆得按書求方而  
期以已疾蓋自是書出而天  
下于是乎多全嬰矣其有補  
于世豈尠淺哉昔陸宣公之  
在忠州也日惟手校方書忠  
州故隸蜀而今中丞公為蜀

人則所為心宣公之心也非  
歟抑余念之書曰如保赤子  
其在兵法曰視卒如嬰兒可  
以與之赴深谿往年島夷弗  
靖赤子弄兵於潢池至厯

當宁南顧憂

今天子神聖海不揚波而猶然  
軫念八閩重地假公重坐而鎮  
之而公也以赤子之保保民  
以嬰兒之撫撫卒卒之四境  
晏如民免夭橫譬之老醫用  
藥出肘上之方隨試輒效其

仁覆寰宇又豈直全嬰已哉  
乃余於方書見公之微也因  
以為序

萬曆癸未仲春望日

賜進士第通議大夫奉

勅巡撫南贛汀韶等處地方提

督軍務都察院右副都御史  
河汾王緝撰



